



AN COIMISIÚN
EORPACH

An Bhruiséil, 27.4.2018
SWD(2018) 121 final

DOICIMÉAD INMHEÁNACH OIBRE DE CHUID AN CHOIMISIÚIN

ACHOIMRE FEIDHMIÚCHÁIN AR AN MEASÚNÚ TIONCHAIR

a ghabhann leis an doiciméad

Togra le haghaidh Rialachán ó Pharlaimint na hEorpa agus ón gComhairle

maidir le cur chun feidhme agus feidhmiú an ainm fearainn barrleibhéil .eu agus lena n- aisghairtear Rialachán (CE) Uimh. 733/2002 agus Rialachán (CE) Uimh. 874/2004 ón gCoimisiún

{COM(2018) 231 final} - {SEC(2018) 205 final} - {SWD(2018) 120 final} -
{SWD(2018) 122 final}

Bileog Achoimre Feidhmiúcháin
Measúnú iarmharta ar Athbhreithniú REFIT ar Rialachán CE 733/2002 lena mbunaítear fearann barrleibhéil .eu (TLD) agus Rialachán CE 874/2004 lena leagtar síos rialacha beartais phoiblí maidir le forfheidhmiú agus feidhmeanna an TLD .eu.
A. An gá atá le beart
Cén fáth? Cén fhadhb a bhfuiltear ag díriú uirthi?
Tá forbairt tagtha ar mhargadh an chórais ainmneacha fearainn (DNS) agus ar an gcomhthéacs polaitiúil ó tháinig na Rialacháin maidir le .eu i bhfeidhm. Cé go ndearnadh roinnt mionleasuithe ar an gcreat, níor athbhreithníodh na Rialacháin maidir le .eu go hiomlán chun a áirithiú go gcomhlíonann siad go fóill an cuspóir agus na luachanna dá bhfuil siad beartaithe gan costais anásta riaracháin nó cur chun feidhme a thabhu, agus go gcuireann siad ar fáil go fóill na sochair bheartaithe, mar atá tacú le gníomhaíochtaí trasteorann ar líne agus féiniúlacht Eorpach ar líne a chur chun cinn. Léirítear sa mheastóireacht nach bhfuil go leor tacaíochta á tabhairt ag an gcreat rialála atá i bhfeidhm faoi láthair maidir le cobhsaíocht agus le hinbhuanaitheacht an TLD .eu agus nach mbaineann sé leas iomlán as an acmhainneacht atá aige laistigh de mhargadh aonair digiteach an Aontais Eorpaigh. Sainithníodh na fadhbanna idirghaolmhara seo a leanas: an reachtaíocht a bheith as dáta agus ródhocht; easnamh sa rialachas agus sa chuntasacht; athruithe tapa ag teacht ar an margadh.
Cad leis a bhfuiltear ag súil ón tionscnamh seo?
Táthar ag súil go n-áiritheoidh an tionscnamh seo cobhsaíocht agus inbhuanaitheacht an TLD .eu, ionas gur fearr a chuirfidh sé ar a chumas a spriocanna a bhaint amach, eadhon gníomhaíochtaí trasteorann ar líne a spreagadh san Eoraip agus féiniúlacht Eorpach ar líne a chumasú. Is iad seo a leanas na sainchuspóirí beartais (SO): (SO1) Deireadh a chur le ceanglais dhlíthiúla/riaracháin atá as dáta; (SO2) A áirithiú go seasfaidh na rialacha an aimsir agus ligean don fhearann .eu oiriúnú d'athruithe tapa sa mhargadh TLD agus ar an tírdhreach digiteach dinimiciúil agus ag am céanna úsáid an TLD .eu a chumasú chun tosaíochtaí an Aontais Eorpaigh a chur chun cinn sa domhan ar líne; (SO3) A áirithiú go mbeidh struchtúr rialachais ann a léireoidh na dea-chleachtais theicniúla agus rialachais is fearr agus a dhéanfaidh freastal ar leas an Aontais Eorpaigh; (SO4) Tarraingteacht .eu a chur chun cinn.
Cad é an breisluach atá le beart a dhéanamh ar leibhéal an Aontais?
Baineann gné trasteorann, faoi mar a thuigfí, leis an TLD .eu. Is é TLD an Aontais Eorpaigh é agus is siombail é den fhéiniúlacht Eorpach ar líne. Is bunchloch thábhachtach tógála agus luachmhar é don fhéiniúlacht Eorpach ar líne gurb ann d'ainm fearainn sainiúil don Aontas Eorpach faoi lipéad coiteann atá an-soiléir agus inaitheanta. Ní bhainfeadh beart rialála arna ghlacadh ar leibhéal na mBallstát amach na bunchuspóirí ar bonn iad le cruthú agus bainistiú ainmspás iontaofa agus nuálach don Aontas Eorpach. Cuireadh an TLD .eu ar bun mar chód tíre TLD (ccTLD), seachas mar TLD cineálach (.com, .berlin). Is é an tAontas Eorpach atá freagrach as beartas poiblí an TLD .eu.
B. Réitigh
Cad iad na roghanna beartais reachtacha agus neamhreachata a breithníodh? An bhfuil rogha thosaíochta ann nó nach bhfuil? Cén fáth?
Scrúdaítear sa mheasúnú tionchair seo sraith de roghanna beartais a ndearnadh a bhformhór acu, ach ní iad ar fad, a eachtarshuíomh ó thionscnóirí fadhbanna a bhaineann le "reachtaíocht atá as dáta agus ródhocht" agus "sásraí rialachais". Cuirtear dhá shaincheist thrasearnálacha ar leith, atá dírithe ar aghaidh a thabhairt ar na saincheistean atá ag éirí as na hathruithe tapa ar an margadh, san áireamh go cothrománach. ROGHA 0: AN CÁS BUNLÍNE: An creat rialála reatha don .eu a choinneáil ROGHA 1: TRÁCHTÁLÚ: An creat rialála a shimpliú agus oibriú agus bainistiú na Clárlainne a sheachfhoinsiú chuig soláthraí seirbhíse seachtrach brabúis. ROGHA 2: AN CREAT DLÍTHIÚIL A NUACHÓIRIÚ: Aon ionstraim dlí prionsabailbhunaithe amháin a chur in ionad an chreata dhlíthiúil atá ann faoi láthair. Choimeádfai córas bainistíochta seachtrach don TLD .eu, bunaithe ar chonradh. ROGHA 3: RIALACHAS AR LEITHLIGH: Comhcheanglaítear leis seo rogha 2 le cruthú comhlachta páirtithe leasmhara éagsúla a mbeadh ról comhairleach aige. Bheadh an comhlacht sin neamhspleách ar an gClárlann .eu. ROGHA 4: INSTITIÚIDIÚ: Bainistíocht agus oibriú na Clárlainne laistigh de roinn den Choimisiún Eorpach (a) nó Gníomhaireacht AE (b1: EUIPO, b2: ENISA) Fuarthas réidh le Rogha 1, Rogha 4(a) agus Rogha 4(b2) ag céim luath mar nach gcomhlíonann siad na cuspóirí beartais. Maidir leis an dá shaincheist thrasearnálacha ar déileádh leo ar bhonn leithligh, déanann an measúnú tionchair anailís ar an

bhféidearthacht go ndéanfaidh Clárlann .eu clárú díreach a thairiscint do chláráithe, mar gheall ar athruithe ar choinníollacha an mhargaidh, agus athruithe féideartha ar na critéir incháilitheachta chun TLD .eu a fháil.

An rogha thosaíochta: ROGHA 3, mar aon le deireadh a chur le ceanglais dhiana maidir le clárú díreach, critéar saoránachta a thabhairt isteach do dhaoine nádúrtha agus critéar cónaitheachta d'eagraíocht/cuideachtaí.

Na páirtithe leasmhara éagsúla agus na bearta is rogha leo

Fáiltíonn formhór mór na bpáirtithe leasmhara a bhí rannpháirteach sna comhairliúcháin roimh an rogha thosaíochta mar go dtacaíonn sí le simpliú an chreata dhlíthiúil, agus leis na critéir incháilitheachta atá ann faoi láthair a mhaolú beagán. Bhí éagsúlacht níos leithne tuairimí maidir leis an tsamhail rialachais.

C. Tionchar na rogha tosaíochta

Cad iad buntáistí na rogha tosaíochta (más ann di; murab ann, cad iad buntáistí na bpríomhroghanna)?

Faoi rogha thosaíochta, chruthófaí creat dlíthiúil sruthlínithe, prionsabailbhunaithe. Sholáthródh sé sin an tsolúbthacht atá riachtanach don TLD .eu chun oiriúnú d'fheabhsuithe teicniúla atá ag athrú go tapa ar an DNS, lena n-áirítear i dtéarmaí gnéithe slándála. Bheadh úsáideoirí deiridh in ann leas a bhaint as na buntáistí a bhaineann le feabhsuithe teicniúla gan iad a bheith faoi mhíbhuntáiste ag an am a thógann sé na Rialacháin a leasú. D'fheabhsódh an rogha thosaíochta feidhmiú an TLD .eu freisin, agus dhéanfaidh sé nuálaíocht a chothú san éiceachóras .eu, ar leibhéal na Clárlainne agus i margaí iartheachacha cláráitheoirí agus cláráithe agus, ar an gcaoi sin, sholáthródís táirge feabhsaithe ar mhaithe le saoránaigh agus gnólachtaí na hEorpa.

Bheadh an TLD .eu níos tarraingtí sa mhargadh TLD, rud a chuirfeadh leis an iomaíocht idir cláráitheoirí. Dá thoradh sin bheifí ag súil a) go bhféadfaí praghsanna a laghdú d'úsáideoirí deiridh, b) go n-áiríteofaí go mbeadh fáil níos mó ar an bhfearann .eu agus na buntáistí a bhaineann leis do shochaí aon Aontais c) go méadófaí clárúcháin agus go seachnófaí cás ina dtiteadh an ráta athnuachana faoi bhun na tairsí a chuirfeadh inbhuanaitheacht airgeadais an ainm fearainn i mbaol.

Is éard atá sa rogha seo athrú ar an struchtúr rialachais, toisc go mbeadh comhlacht ar leith ann le comhairle a chur maidir le cinntí straitéiseacha i ndáil le feidhmiú an TLD .eu agus chun maoirseacht a dhéanamh ar an gClárlann. Meastar go gcuirfidh na hathruithe seo, trí neartú agus leathnú an ionchuir i ndea-rialachas na Clárlainne .eu, le trédhearcacht agus cuntasacht mhéadaithe agus go ndéanfaidh siad rioscaí féideartha a bhaineann le mí-bhainistiú a mhaolú go héifeachtach in oibriú an TLD .eu.

Thairis sin, le tabhairt isteach na gcritéar saoránachta bheadh deis ag saoránaigh den Aontas a bhfuil cónaí orthu i dtríú tíortha leas a bhaint as na buntáistí a thugann an TLD .eu freisin, agus maidir le baint na gceanglas dian le haghaidh clárú díreach, bheadh buntáiste ag baint leis i dtaobh cur chun cinn níos fearr an TLD .eu, mar shampla carachtair eile seachas carachtair Laidine a úsáid.

Cad iad costais na rogha tosaíochta (más ann di; murab ann, cad iad costais na bpríomhroghanna)?

Táthar ag súil go laghdófar na costais chomhlíonta don Chlárlann faoi rogha thosaíochta. Mar sin féin, fiú amháin má tá níos lú anró ag baint leis an gcreat dlíthiúil, beidh gá fós le TLD .eu a eagrú, a riar agus a bhainistiú mar is ceart. Ina ainneoin sin, bheadh deireadh le roinnt de na costais rialachais don Chlárlann. Faoi láthair tagann buiséad na gcostas rialachais faoi chostais ghinearálta agus meastar iad a bheith ag EUR 296 000 do 2018.

Ó thaobh an Choimisiúin Eorpaigh de, thiocfadh laghdú ar an obair a bhíonn i gceist le maoirseacht a dhéanamh ar an TLD .eu, a bhuí le a) an comhlacht nua-chruthaithe a bhfuiltear ag súil leis roinnt de na tascanna a dhéanann an Coimisiún faoi láthair a dhéanamh, agus b) creat dlíthiúil níos éadroime a sheasfaidh an aimsir níos fearr agus atá in ann dul in oiriúint d'athruithe sa mhargadh gan leasuithe costasacha a dhéanamh ar nósanna imeachta reachtacha.

Caithfidh acmhainní cuí a bheith ag comhlacht na bpáirtithe leasmhara. Tabharfaidh an Coimisiún tacaíocht airgeadais dó.

Ní mheastar go mbeidh tionchar aige ar úsáideoirí deiridh ná ar chláráitheoirí (i dtéarmaí an phraghais a íocann siad le haghaidh an TLD .eu).

Cén difear a dhéanfar do ghnólachtaí, do FBManna agus do mhicrifhiontair?

Bheadh tionchar dearfach ag an rogha thosaíochta ar ghnólachtaí Eorpacha, FBManna agus micrifhiontair trí nuálaíocht táirge a mhéadú, praghsanna a laghdú agus infheictheacht agus infhaighteacht níos mó a chur ar fáil i dtaca leis an TLD .eu .

An imreofar tionchar suntasach ar bhuiséid náisiúnta agus ar údaráis riaracháin náisiúnta?

Níltear ag súil le haon cheann.

An mbeidh aon tionchar suntasach eile i gceist?

Féadfar a bheith ag súil leis go mbeidh tionchar dearfach ag an tionscnamh ar an gClárlann agus ar na margaí iartheachacha cláráitheoirí agus cláráithe, lena n-áirítear gnólachtaí agus saoránaigh, trí níos mó solúbthachta agus nuálaíochta a cheadú, praghsanna a laghdú agus fáil níos éasca a bheith ar an TLD .eu.

D. Iarobair
Cathain a dhéanfar athbhreithniú ar an mbeartas?
Faoin rogha thosaíochta, thabharfadh an creat dlíthiúil nua an tsolúbthacht is gá chun aghaidh a thabhairt ar athruithe sa mhargadh gan aon ghá le hathbhreithnithe reachtacha. Dá bhrí sin, chruthófaí léi creat dlíthiúil a sheasfadh an aimsir. Mar sin féin, déanfaidh an Coimisiún faireachán ar chur chun feidhme an chreata dhlíthiúil nua agus cuirfidh sé tuarascáil ina leagfar amach torthaí a mheastóireachta faoi bhráid Pharlaimint na hEorpa agus na Comhairle tráth nach déanaí ná cúig bliana tar éis dháta chur chun feidhme an chreata nua.